

Bosna i Hercegovina
Federacija Bosne i Hercegovine
Tuzlanski kanton
Javna ustanova Osnovna škola
„Bukinje“ - Bukinje
Broj: 387/25.
Dana: 16. 5. 2025.

Na osnovu člana 105. stav (1) tačka b) Zakona o osnovnom odgoju i obrazovanju - prečišćeni tekst („Službene novine Tuzlanskog kantona“ br. 10/20, 8/21, 11/21, 22/21, 5/22, 10/22, 11/22, 9/23,12/23 i 5/25), Kriterija o utvrđivanju uslova na osnovu kojih se vrši izbor i imenovanje kandidata za direktora osnovne škole čiji je osnivač Skupština Tuzlanskog kantona („Službene novine Tuzlanskog kantona“, broj: 11/14, 15/21 i 20/22) i Odluke Školskog odbora o raspisivanju konkursa za izbor i imenovanje direktora, broj:386/25. od 16. 05. 2025. godine, Javna ustanova Osnovna škola „Bukinje“ Bukinje, raspisuje

K O N K U R S

za izbor i imenovanje direktora

Javne ustanove Osnovna škola „Bukinje“ - Bukinje

Raspisuje se konkurs za izbor i imenovanje direktora Javne ustanove Osnovna škola „Bukinje“ Bukinje, na period od 4 (četiri) godine.

Opis poslova

Direktor škole rukovodi školom i obavlja i druge poslove u skladu sa članom 111. Zakona o osnovnom odgoju i obrazovanju - prečišćeni tekst („Službene novine Tuzlanskog kantona“ br. 10/20, 8/21, 11/21, 22/21, 5/22, 10/22, 11/22, 9/23,12/23 i 5/25).

Opći uslovi

Kandidat za direktora škole mora ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava Bosne i Hercegovine,
- d) da nije osuđivan za krivično djelo,
- e) da nije kažnjavao iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole.

Posebni uslovi

Kandidat za direktora škole, pored općih uslova mora ispunjavati i sljedeće posebne uslove:

- a) da ima najmanje VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja,
- b) da ima najmanje pet godina radnog iskustva na poslovima nastavnika ili stručnog saradnika škole,
- c) da ima položen stručni ispit za samostalan rad na poslovima nastavnika ili stručnog saradnika škole,
- d) da ima program rada i razvoja škole za period na koji se imenuje direktor,
- e) da nije pravosnažno osuđen za neko od krivičnih djela iz člana 87. Zakona o osnovnom odgoju i obrazovanju - prečišćeni tekst („Službene novine Tuzlanskog kantona“ br. 10/20, 8/21, 11/21, 22/21, 5/22, 10/22, 11/22, 9/23,12/23 i 5/25) što ga čini nepodobnim za rad sa djecom,

- f) da nije član izvršnih organa političkih stranaka,
- g) da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- h) da nema direktan finansijski ili drugi lični interes u Javnoj ustanovi Osnovna škola „Bukinje“, koji bi mogao dovesti do sukoba sa njegovom dužnošću direktora,
- i) da nije obavljao dužnost direktora dva uzastopna puna mandata u Javnoj ustanovi Osnovna škola „Bukinje“,
- j) da nije u posljednje četiri godine zbog svoje krivice bio razriješen dužnosti direktora neke od odgojno – obrazovnih ustanova,
- k) da u mandatnom periodu ne stiče uslove za odlazak u penziju shodno odredbama Zakona o radu („Službene novine FBiH“ broj: 26/16,89/18,44/22 i 39/24).

Za direktora škole ne može biti imenovano lice koje ne ispunjava opće i posebne uslove konkursa.

Prilikom prijavljivanja na konkurs, kandidati su dužni dostaviti dokaz o ispunjavanju svih uslova (općih i posebnih), odnosno sljedeću dokumentaciju (original ili ovjerene kopije ne starije od šest mjeseci):

1. Prijava na konkurs koja sadrži kraću biografiju,
2. Uvjerenje o državljanstvu,
3. Dokaz o stručnoj spremi,
4. Potvrda o radnom iskustvu, izdata od strane škole, da ima najmanje pet godina radnog iskustva na poslovima nastavnika ili stručnog saradnika škole,
5. Uvjerenje izdato od strane nadležnog suda da nije kažnjavao iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole,
6. Uvjerenje o položenom stručnom ispitu za samostalan rad u oblasti obrazovanja, na poslovima nastavnika ili stručnog saradnika poslije sticanja odgovarajuće stručne spreme,
7. Program rada i razvoja Javne ustanove Osnovna škola „Bukinje“ Bukinje , za period na koji se imenuje direktor,
8. Ovjerena izjava kandidata da se na njega ne odnosi član IX stav (1) Ustava BiH,
9. Ovjerena izjava kandidata da nije osuđivan za krivično djelo,
10. Ovjerena izjava kandidata da nije pravosnažno osuđen za neko od krivičnih djela iz člana 87. Zakona o osnovnom odgoju i obrazovanju koje ga čine nepodobnim za rad sa djecom,
11. Ovjerena izjava kandidata da nije član izvršnih organa političkih stranaka,
12. Ovjerena izjava kandidata da mu nije u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
13. Ovjerena izjava kandidata da nema direktan finansijski ili drugi lični interes u Javnoj ustanovi Osnovna škola „Bukinje“ Bukinje, koji bi mogao dovesti do sukoba sa njegovom dužnošću direktora,
14. Ovjerena izjava kandidata da nije obavljao dužnost direktora dva uzastopna puna mandata u Javnoj ustanovi Osnovna škola „Bukinje“,
15. Ovjerena izjava kandidata da nije u posljednje četiri godine zbog svoje krivice bio razriješen dužnosti direktora neke od odgojno – obrazovnih ustanova,

16. Ovjerena izjava kandidata da u mandatnom periodu ne stiće uslove za odlazak u penziju.

Pod ovjerenom izjavom podrazumijeva se izjava ovjerena od strane nadležnog gradskog ili općinskog organa, odnosno izjava ovjerena od strane notara.

Škola zadržava pravo da od kandidata traži i drugu dokumentaciju kojom se dokazuje ispunjavanje uslova za imenovanje na dužnost direktora, koju su kandidati dužni dostaviti na poseban zahtjev Školskog odbora JU Osnovna škola “Bukinje” Bukinje.

Kandidat koji bude imenovan za direktora dužan je dostaviti :

- Ljekarsko uvjerenje nadležne zdravstvene ustanove (ne starije od 3 mjeseca) i
- Izjavu ovjerenu od strane nadležnog organa o odstupanju sa pozicije predsjednika ili člana Školskog odbora ukoliko je u tom momentu obavljao navedenu dužnost.

Nakon provedene konkursne procedure, Školski odbor vrši izbor i imenovanje direktora škole na period od 4 (četiri) godine, uz prethodno pribavljeno stručno mišljenje Pedagoškog zavoda i prethodnu saglasnost nadležnog Ministarstva, uz ocjenu dostavljenog Programa rada i razvoja škole za period na koji se imenuje direktor.

Kandidat koji nije dobio saglasnost nadležnog Ministarstva ne može biti imenovan za direktora škole.

O rezultatima konkursa kandidati će biti pismeno obaviješteni u roku od 8 (osam) dana od dana donošenja Odluke o imenovanju direktora. Odluka o imenovanju direktora škole je konačna.

Konkurs ostaje otvoren 15 (petnaest) dana od dana objavljivanja u dnevnom listu „Večernji list BH“ d.o.o. Mostar.

Nepotpune i neblagovremene prijave neće se uzimati u razmatranje.

Prijave dostavljati lično ili preporučeno putem pošte na adresu škole:

**Javna ustanova Osnovna škola „Bukinje“
75203 Bukinje**

Sa naznakom: (Konkurs za izbor i imenovanje direktora Javne ustanove Osnovna škola „Bukinje“ Bukinje – NE OTVARATI)

Predsjednik Školskog odbora

Emir Lolić, profesor